

欽定剿平三省邪匪方略

欽定剿平三省邪匪方略正編卷十

丙辰年

五月十五日

巳未

福寧奏言查旗鼓寨在高岡之

上長約八九里寬四五里周圍均紮木城賊人

咸聚其內自近鳳山至彼中隔溪河一道又有

高坡陡坎樹木茂密路徑叢雜初一日巳刻探

得賊匪數千向北行走勢欲直撲來鳳卡座

臣

卽帶同慶溥諸神保等分路前進遊擊董寧川

等卽在近鳳山下帶領兵勇向前迎擊賊甚洶  
湧我兵三路衝殺斃賊多名賊毫不畏却冒死  
直前守備陳世文帶兵繞過賊後奮勇夾擊正  
在攪殺之際詎賊狡詐又於旗鼓寨分出數百  
名從東南角潛出渡河冀欲徑犯龍山縣城經  
大堰守備陳安信等帶領兵勇俟其半濟連用  
大礮轟打後面賊匪不敢再渡兵勇直前擊剿

殺傷甚衆賊人潰亂奔逃我兵乘勢追趕過河  
又斃賊多名河邊坡上有龍鳳寺一座內有高  
閣爲賊人瞭望之所千總宋吉典巡檢朱舜愷  
帶領兵勇拋擲火毬焚燒淨盡時近鳳山賊勢  
已潰又望見火光忽起愈覺驚慌紛紛逃竄適  
值大雨未便窮追此次兩路殺賊甚多守備陳  
世文素稱勇敢最爲出力因繞赴後路衝入賊

隊左股受有刀傷猶手刃數賊被羣賊裹住亂  
砍陣亡其餘弁兵鄉勇間有傷亡查明分別咨  
部照例卹賞奏入

上命軍機大臣傳諭孫士毅福寧曰孫士毅帶兵早  
抵茶園溪一帶距旗鼓寨甚近福寧在來鳳剿賊  
伊斷無未經得信之理當賊匪撲擾來鳳兵卡時  
若孫士毅乘虛夾剿直搗賊巢豈不一鼓集事乃

孫士毅尙未移兵前進未免稍遲想因續調土兵未到畧爲等候但用兵之道固不可冒昧輕進亦不可坐失機會著孫士毅卽與福寧商同會剿將旗鼓寨紅岩堡之賊盡數殲除早靖地方至守備陳世文因繞赴後路衝入賊隊於受傷後猶手刃數賊被羣匪亂砍陣亡殊堪憫惜著加一等咨部

議卹

同日宜綿奏言臣於五月初四日行抵商南沿

途查知河南鄧州浙川賊匪已就肅清商南地

方極爲寧謐臣前後調到泥河口剿賊之兵內

除分駐鄖陽商南武關等處外尙有兵一千餘

名臣聞恒瑞等先後赴襄僅各帶兵一二百名

雖現在各省官兵已可陸續抵襄第兵力冬冬

益善臣現派委延綏鎮總兵楊秀將前項兵一

千名帶領由水路赴襄併力夾攻可期剋日竣  
事奏入報

聞

十六日

庚申

恒瑞永保慶成景安鄂輝奏言連日

雙溝賊衆聞官兵聲勢浩大意欲逃竄因雨大

泥濘不能行走尙在屯聚但卽令官兵冒雨攻

剿勢亦不能得力查雙溝東面路通棗陽該縣



前已派有官兵一百五十名帶同本處鄉勇嚴

防今<sub>臣</sub>等又派令都司王化龍帶兵三百五十

名由宜城縣繞路前往幫同堵禦似可無虞<sub>臣</sub>

等現已擬定<sub>臣</sub>恒瑞明亮由劉家集岳家崗爲

一路<sub>臣</sub>永保鄂輝由王家樓鄢家崗爲一路總

兵富成副將穆維由高陳鄧家灣宋家灣爲一

路<sub>臣</sub>慶成景安由翟家灣三合鎮爲一路各帶

官兵併力進攻總兵德齡帶領官兵由水臺驛  
家埠口曹家河爲一路遙爲聲勢已將官兵派  
撥妥協俟一二日天氣稍霽五路齊進直搗雙  
溝痛加剿洗並將各路地勢繪圖進呈

御覽再查呂堰驛大路業已疏通所有南北往來  
報自應仍由呂堰驛大路馳遞亦便行人往來  
惟此時該處並無承辦驛站官員臣等現於葉

家店腰站及呂堰正站均酌撥弁兵防守卽令其暫爲接遞並飛咨督臣畢沅迅速派委官弁書役馬夫安設馬匹一切循照舊例辦理

同日恒瑞永保奏言據文圖稟報喇吧洞賊匪業經剿殺淨盡文圖卽帶原領之興漢官兵遵

旨馳赴巴東長陽

臣

恒瑞所留西安官兵亦卽撤至

襄陽剿辦逆匪奏入

上命軍機大臣傳諭恒瑞承保景安慶成曰恒瑞等  
奏稱賊匪畏懼官兵聲勢意欲逃避聞恒瑞等所  
奏圖內官兵俱由西北一帶分投夾擊其迤東卽  
屬棗陽僅有兵五百名又無大員在彼駐劄仍恐  
難資倚恃著恒瑞等於富成德齡二人內酌令一  
人帶兵千名速赴棗陽隨州一帶相機防堵至呂  
堰驛路已通其應行安設驛站等事除豫境內自

應景安辦理其湖北境內驛站景安卽可就近督  
率襄陽府縣照例安設何必又轉咨畢沅所辦未  
免拘泥現在天氣暑熱發去香薷丸二百丸益元  
散二觔交與恒瑞等分給將領弁兵等俾資祛暑  
用示體恤

上諭內閣曰文圖前在竹谿竹山剿辦賊匪屢次出  
力茲又將喇吧洞之賊全行剿盡肅清郎陽一路

殊爲奮勉可嘉文圖除俟有總兵缺出卽行擢用  
外仍著交部議敘

十七日

辛酉

成德惠齡富志那奏言五月初六日

經守卡兵勇盤獲賊匪熊太山熊起元二名訊

據供稱張正謨等因見官兵於山前山後要隘

逐虜紮營與劉宏鐸等商議欲遣黨與下山滋

擾希冀

臣

等將各卡官兵調回接仗卽乘隙率

衆將各營奪回臣等卽密行傳知各營預爲整

備並派侍衛將弁等分路埋伏策應於各要路

埋藏地雷以備轟擊初八日臣惠齡卽從蔡家

坡進發向賊巢山前之雞公山卡攻打賊匪齊

來救護張正謨見官軍已與接仗果遣黨與由

山後分投逸出臣成德富志那並關騰等各縱

兵掩殺四圍齊進各處所埋地雷亦同時衝起

賊人猝不及防擊斃不計其數詎山上之賊見賊駁不能抵禦復遣匪駁二千餘人下山救

又經四路伏兵圍殺與臣等所帶官兵合併一

處痛加殲洗賊匪奔竄入卡我兵乘勢追進賊人棄卡而逃又被我兵殺死一二百人驍騎校

勝雲筆帽式遜璋阿等生擒賊目賊駁李正賓謝升徐瓏學樊本祺李良岸張起華李世華彭



文年等八名當經官兵將雞公山薛家大山兩處賊卡同時奪獲賊匪退入各卡木石並下

臣

等因各營存兵無幾未便再行進攻亦卽撤回  
訊據李正賓等供稱張正謨等今日祇想戰退  
官軍卽往邀榔坪的人來此入夥今被殺敗他  
們或想逃入榔坪也不可知等語當將該犯等  
臬示查榔坪賊匪林之華等本有欲來救援張

正謨之說今該逆犯亦思邀令來此並欲往投  
入夥倘一時竟來熾附剿捕更爲費手且現據  
稟報林之華等將秀峯橋及三口井卡所一併  
攻破並進擾麻沙溪地方現在賊匪盤踞三口  
井擾至東陽地方連紮三卡距東湖之望洲驛  
路僅十餘里雖經臬司張長庚等馳往撲擊小  
挫其鋒若非大兵圍剿恐亦驟難撲滅今文圖

尙無來信且看此情形亦非千餘之兵所能剿  
盡已飛札知會宜綿囑其於駐商州防禦兵內  
遴派一千名委員帶領就近取路與山星夜前  
來巴東一帶防守一俟文圖到彼即可相機會  
剿又據巴東縣知縣馮振鷺稟稱四月二十七  
日盤獲諱延東一名究出黃家村匪徒黃世耀  
邀約多人令該犯往約小溪同教各匪齊赴柳

坪入駁臣等隨卽派守備楊清棟吏目李崑來

等往剿小溪之賊殺死賊匪八十餘人被追溺

死者二十餘人生擒劉正遠等三十二人該縣

馮振鷺往剿黃家村之賊殺死騎馬賊目一人

賊夥五十七人生擒首犯黃世耀等二十六名

審明各犯習教從逆欲往榔坪入駁不諱當與

前獲之譚延東一併正法又長樂縣典史朱振

霖因委散三溪口官兵鹽菜口糧攜銀五百兩  
前往發給時山溪水發該員於軍務緊急不避  
艱險卽雇坐小船至宜都縣屬之石羊地方水  
急灘險適遇大風該員與隨行之丁役唐連陞  
等十名並所帶銀兩鈐記盡行落水僅救起丁  
役沈才等四名該典史朱振霖及其餘人等均  
遭淹斃經宜都縣撈獲屍身銀兩稟報

同日畢沅奏言現在序當盛夏大雨時行江水  
日長賊人奸計百出不可不先事預防荊州萬  
城堤首段界連當陽之馬鞍山其二三段堤外  
卽係當陽之沮漳二河河外卽枝江之上下百  
里洲處處通聯最爲險要防護江隄實爲目前  
要務此處堤工原係荊州府同知荊州水師營  
守備統轄臣已飛飭分段巡查晝夜看守但段

落綿長幾及百里該丞備等斷難兼顧又飭委  
宜昌同知謝登雋等分定畧落令其隨帶健銳  
鄉勇前往堤所謹密巡防并飭襄陽府胡齊崙  
等於襄郡老龍堤迤西附近萬山江岸一帶多  
設兵勇卡座以防賊人盜挖堤根均奏入

上命軍機大臣傳諭惠齡汪新景安曰榔坪賊匪膽  
敢糾眾滋擾實屬可惡昨據恒瑞等奏文圖已前

赴巴東長陽一帶剿賊本日惠齡又飛札知會宜  
綿將駐劄商州兵一千名委員帶赴巴東一帶協  
剿商州之兵昨據宜綿派令總兵楊秀帶赴襄陽  
計恒瑞等現在兵力厚集無須此項兵丁協剿著  
傳諭楊秀不拘行抵何處卽帶兵星速取道前赴  
榔坪一帶會合文圖實力圍剿至荊州大堤畢沅  
在當陽剿賊自無暇兼顧汪新現在荊州卽責成



該撫就近督率委員實力防護其襄江老龍堤並  
著景安就近督飭嚴密稽查署巴東縣知縣馮振  
鷺及備弁等緝拿教匪頗爲奮勉著各以應陞之  
缺陞用又長樂縣典史朱振霖因公差委遭風淹  
斃殊屬可憐著咨部加一等議卹其丁役人等並  
著該署撫酌量優卹

二十一日

乙丑

恒瑞永保慶成景安明亮鄂輝奏

言<sup>臣</sup>等於十二日雨勢稍霽各帶官兵前進

<sup>臣</sup>

慶成景安由河東岸直趨三合鎮一路剿殺凡  
棄戈投出者均加撫慰其抗拒官兵逆賊當經  
剿殺淨盡至三合鎮紮管總兵德齡由水臺向  
南前進殺賊甚多日暮至陳家河地方紮管

<sup>臣</sup>

恒瑞永保明亮鄂輝并總兵富成分路向東攻  
取劉家集王家樓鄧家灣一帶探得賊匪俱併

入劉家集一處臣等至岳家岡左近各就地勢

列兵相向一面分立營盤正在料理間賊衆搖

旗吶喊分爲三路西向前來約有五六千人公

然直撲我兵穩立不動俟鎗礮可及卽行點放

擊斃賊人無數臣恒瑞督率副將穆維乘勢親

帶馬兵超出橫衝賊衆前後錯亂回身敗退官

兵在後衝殺短刃相接殲斃無數餘俱奔入林

內時已抵暮未便深入遂暫收兵十三日黎明

探報賊匪又復糾衆前來臣等分投設伏於營

中預備鎗礮以待適臣慶成景安得此路賊多

之信亦於十三日清晨帶領巴圖魯並馬兵等

前來一同設伏詎匪醜更多一路自東向西直

撲大營兩路抄出意欲裹繞營後其勢頗覺鴟

張我兵一面在營用大礮轟擊並施放連環鎗

擊打賊匪正在遲疑臣等各率設伏官兵從

兩脇先後突出奮力衝截賊匪猝不及防向東

奔跑我兵奮勇追殺直趕入劉家集村內賊匪

奔過村東逃散綠村後有浮橋二座係賊匪早

已搭設踉蹌過渡者不過十之二三其餘盡被

殲戮並互相爭渡擁擠落水淹斃者甚多此番

大挫賊人之氣但查河東各處在在有賊屯聚

若輕率渡河東南北三面受敵西面背河不能

圍截剿殺

臣

等商酌自仍先搗雙溝由北而南

順河進剿不但可免後顧之虞更可相機繞道

兜圍再賊人所搭浮橋盡係搶劫唐白二河買

賣民船船戶被賊羈禁今賊匪被官兵殺敗渡

河各船戶卽乘勢將船放火燒毀攜帶婦女小

口共五百餘人奔至河干求官兵救令

臣

等量

加撫卹俱送至襄陽交署道胡齊齋查明令其  
各歸本業

同日景安奏言湖北逆匪滋擾各省官兵由豫  
赴楚會剿並分撥豫省防守堵禦以及辦運軍  
火糧餉等項僱募人夫車輛一應事宜先經

臣

飭令司道等分別條欵交南陽府知府完顏岱  
彙總承辦毫無貽誤現在官兵進剿雙溝賊匪

已入湖北境百餘里軍需難應由楚供支但署  
安襄鄭道知府胡齊崙因守城緊要未能前來  
料理而畢沅惠齡相離較遠臣不敢稍存畛域

當卽督飭完顏岱率同河南原委各員協同湖  
北委員不拘楚豫相機妥籌務期源源接濟不  
使稍有遲悞再查完顏岱鼓勵鄧州新野唐縣  
各屬召募鄉勇激勸士民嚴防各界堵禦楚匪



四旬之久尤爲出力又試用知縣丁燾濬縣  
丞陳淦源自派隨該府督率鄉勇各路堵緝並  
辦理軍需數月以來實屬勤奮

同日湖北襄陽鎮總兵官彭之年原署陝西興  
漢鎮總兵官文圖奏言查白雲寺賊匪經叅將  
廣福帶兵四路圍剿俱逃上喇吧洞山頂

臣文

圖率領滿漢官兵由南路攻打

臣

彭之年帶本

標並河南官兵由東南白水峪攻打委署叅領  
佛寧都司王化龍帶兵在北路徐家坪攻打遊  
擊閃煜龍都司朱進廷帶兵從西北南草壩攻  
打臣等令都司陳戴德潛帶鎗兵四十名行營  
外委李發春帶兵十名由石坎扒上賊人並未  
准備官兵連放鳥鎗一齊吶喊山上賊人慌亂  
四路官兵一擁而上賊人不能支持滾崖跌斃

者約有七八百人殺死者三百餘名活捉教頭  
莊正朝張宗玉等訊問俱非正犯問明後均各  
凌遲惟遊擊閃煜龍督催鄉勇撲攻被壘石打  
退該遊擊被鄉勇衝倒滾崖身故臣文圖拜摺

後卽帶與漢兵一千名由保康興山馳赴巴東  
長陽一帶會剿該處逆匪再喇吧洞附近俱係  
山深箐密不無餘孽賊匿臣彭之年督率兵勇

再加搜捕務期絕盡根株均奏入

上諭內閣曰文圖自到鄖陽以來屢次攻剿賊匪打仗得勝茲復將喇吧洞賊匪剿除淨盡前已有旨遇有總兵員缺卽加陞用今思該副將帶領興漢鎮兵日久與兵弁相習調遣更爲得力文圖卽著加恩補授興漢鎮總兵其現任總兵德光俟有他鎮員缺另行補用所有此次打仗出力之叅將廣

福著以副將陞用又都司陳戴德著陞補遊擊閃  
煜龍遺缺所遺都司員缺著守備蘇光生補授其  
所遺守備員缺著千總王朝元補授副將穆維打  
仗奮勉亦著加恩以應陞之缺陞用南陽府知府  
完顏岱鼓勵鄉勇嚴密堵禦承辦豫省軍需經理  
無悞著加恩賞戴花翎試用知縣丁燾縣丞陳益  
源辦理一切亦均奮勉丁燾遇有知縣缺出著卽

補用陳淦源著卽以知縣陞補

上又命軍機大臣傳諭汪新曰恒瑞等奏剿殺劉家  
集賊匪摺內據稱村後賊人搭有浮橋二處皆係  
搶劫唐白二河買賣民船船戶被賊羈禁今賊匪  
被官兵殺敗渡河後各船戶卽將船隻放火燒燬  
殊不可解該處買賣民船俱係該船戶生業如果  
賊匪未至之先慮及船隻或被賊匪搶劫搭橋預

行燒燬自屬知義良民今既被賊匪搶奪搭蓋淨  
橋又將船戶羈禁迨賊匪奔竄之後船戶等豈皆  
不顧生業轉將船隻燒燬自斷謀生之路卽如百  
姓房屋被賊搶占或一時出於無奈至賊退後轉  
將房屋燒燬必無是理所謂難罔以非其道也恐  
該船戶等竟係賊人黨與見官兵將賊匪剿散冒  
爲良民赴官求救轉將船隻燒燬攔住官兵追剿

之凶咄亦未可定著汪新將指出情節親提該船戶等逐一嚴究務得實情恐其中或與奸細詐謀不可墮其術中

二十二日

丙寅

文圖奏言查保康白雲寺山餘匪

俱於喇叭洞山藏匿前經恒瑞永保派臣留兵

搜剿旋於五月初三日經臣派兵四面兜圍一

面帶兵攻剿賊匪困守山梁已無出路當卽痛



加剿洗次日搜山又殺得賊人男婦四五百名  
搜出教頭王蘭一犯派員解赴興安轉解進京  
奏入報

聞

二十五日已孫士毅奏言查咸豐境內馬鬃嶺

一帶臣派守備譚公義會同施南協副將樊繼

祖帶領川兵三百名楚兵一百六十名駐劄嚴

防詎賊人於四月底兩次集匪衝突均爲我兵  
剿退五月初三日賊人竟糾會數千分作前後  
左右四路搶上山梁勢甚猖獗經我兵從上壓  
下鎗箭齊發殲戮甚多該處距旗鼓寨祇有十  
里賊匪等招呼醜類愈聚愈衆其意必欲將馬  
鬃嶺奪佔我兵正在竭力支持適守備靳文銓  
在蘇家堡附近巡查聞信卽刻帶領兵勇趕到

賊匪見有生力官兵接應相顧驚愕經靳文銓督兵痛剿殺斃不可勝計賊匪知難抵禦慌亂敗逃我兵追至樹木叢深處防有賊人潛伏收兵而還是日副將樊繼祖守備譚公義以少拒多尙屬出力而守備靳文銓於相去一二十里之遠一聞賊匪滋擾信息不待檄調立即帶兵迅速應援殺賊無算實爲奮勇可否仰求

聖主逾格施恩俾衆人知所鼓勵是日陣亡受傷人

等容

臣

逐一查明再行咨部

同日湖北布政使祖之望奏言五月初三日署

孝感縣知縣沈琦訪得縣屬湯家灣地方有教

匪藏匿親帶丁役義勇前往捕獲周懷德魯明

志等三十三人起出布旗器械等物又馬溪河

巡檢程毓坤率領鄉勇於張家集捕獲楊偉鄭

自清等九名訊係楊偉爲師各犯俱從學白蓮  
教經咒惟鄭自清曾拜襄陽人周義祥爲師起  
意糾約焚搶不諱初六日探得東鄉文家小灣  
聚匪千餘人欲圖入城搶劫稟請發兵防捕

臣

卽於督臣奏到江西先到官兵內派撥三百名  
於初八九等日由水路直趨該縣又縣屬楊店  
地方爲現在經由軍報驛路當飭漢陽府知府

圖桑阿候補直隸州張能佑先後馳赴稽查並撥兵二百名由陸路繼進該縣沈琦先於初六日督率文舉人潘桂武生胡鴻帶同鄉勇數百人前往文家小灣殺賊數十人初七日又於文家大灣劉家灣等處殺賊一百餘人生擒楊運來等十五名訊明實係逆黨立時正法委員張能佑於初九日協同巡檢程毓坤督率吏員楊

超賢監生楊愷等帶領鄉勇千餘人在南高家灣等處搜捕猝遇賊衆皆白布纏頭手執器械前來迎敵鄉勇等奮勇直前殺死一百餘人復追至草店地方又殺斃數十人其餘落港溺斃者不少十二日離楊店十餘里之胡家砦有賊焚搶該府圖桑阿等帶領鄉勇剿捕賊匪千餘人仍抵死抗拒不散因大雨天晚恐有疎失隨

卽陸續退回臣將出力之紳士鄉耆等稟明督撫遵照節次

恩旨分別給與頂戴賞銀傷故者予以賞卹並恭錄恩諭通行曉示當有監生夏訓忠等男女五十餘人投到據供本係鄉愚業經被誘入教今見告示內投出准其自新伊等實已改悔懇求生全情詞懇切隨取具保結釋令寧業十三日申刻據



鄉勇稟報離楊店三里之劉家砦聚有賊匪該  
府圖彖阿等會同江西領兵都司哈豐阿帶領  
兵勇前往捕獲楊高普等十九名內楊高普楊  
世威劉大海等三犯訊據供認習教從賊焚搶  
隨即正法餘再審訊分別辦理惟查楊店至縣  
城五十里內賊匪屯聚甚多信息不通現已移  
飭領兵各官務須繞道密訂期約先將此路打

通合勢會剿以期迅速歲事至省垣與漢鎮近

隔一江臣等督率府縣雇募鄉勇分派設卡近

又於漢陽距孝感一水可通之士塹茶菴等處

添募鄉勇酌留江西兵二百名嚴密防禦其孝

感接界之各縣俱經飛飭一體厚集義勇堵截

勿令竄逸稽誅均奏入

上命軍機大臣傳諭孫士毅永保祖之望曰孫士毅

奏副將樊繼祖守備譚公義屢次堵剿搶占馬鬃嶺賊匪尚爲出力守備靳文銓在蘇家堡巡查一聞賊匪滋擾卽帶兵迅往應援殺賊甚多均屬可嘉樊繼祖譚公義遇有應陞缺出卽行補用靳文銓尤爲出力著以遊擊超補以示鼓勵祖之望奏漢陽府所屬孝感地方亦有傳教匪徒經該地方官前往搜捕拿獲多人祖之望於前調江西兵二

千名內分撥堵禦並飭漢陽府圖桑阿等分投防  
剿復因武昌省城與漢口鎮僅隔一江現留江西  
兵二百名並添募鄉勇嚴密防禦所辦甚好祖之  
望著加恩賞戴花翎並賞大小荷包圖桑阿張能  
佑沈琦督率該處舉監分路剿賊殲斃多名亦屬  
奮勉俱著加恩以應陞之缺陞用其出力之舉監  
鄉勇等均著查明分別獎賞其傷亡鄉勇等皆當

咨部優卹投出監生夏訓忠亦著酌量加賞至賊  
匪現在楊店屯聚亟須剿捕淨盡祖之望應乘勝  
迅速撲滅毋致稍有稽遲致賊匪竄往他處方爲  
妥善再賊匪鄭自清供稱曾拜襄陽人周義祥爲  
師看來賊匪首逆竟在襄陽一帶而恒瑞永保等  
到彼亦祇將附近賊匪剿散並未淨絕根株現在  
襄郡祇有烏什哈達一人在城駐劄調度一切矣

不能得有主見且恐各路賊匪被官兵剿敗後又復竄入襄陽合夥亦未可定永保竟當速回襄郡督率料理庶調度有人不致他處賊匪又復竄往

勾結

二十六日

庚午

恒瑞永保景安慶成明亮鄂輝奏

言

臣

等帶兵分路趕緊前進均于十六日午刻

齊抵雙溝當有村民百餘人前來跪迎僉稱賊

衆聞知大兵雲集南北齊來甚形畏懼均各攜  
婦女輜重於十一二等日向東奔逃我等俱係  
被裹良民趁勢各自潛回臣等當卽宣布

聖恩並加撫慰令其各歸本業賊營遺棄糧食什物  
甚多均酌量賞作口糧並搜獲賊黨數十名俱  
係老弱殘疾及被傷之人據供唐河迤東村莊  
俱有賊匪屯匿雙溝爲賊匪蟻聚之所其雙溝

之東南張家集孟家集地方亦各有賊營以爲  
犄角之勢雙溝之賊先已向東奔逃等語當將  
各犯卽行梟示查探張家集等處賊匪未經移  
動卽於十七日五鼓帶兵趕緊分路往剿於黎  
明前行抵張家集該處村南緊靠滾河賊匪用  
車二三百輛三面圍繞紮營官兵突然前往賊  
衆倉猝迎敵官兵鎗礮齊發賊匪守護家口抵



死前撲臣等卽親帶巴圖魯侍衛及各隊馬兵

由傍衝殺賊勢大亂紛紛涉水淹斃無數當派

官兵渡河追殺二十餘里悉行殲戮並將其車

輜及住屋全行焚燒兼用鎗礮轟擊自卯至午

約計淹斃殺傷燒死男婦大小共二千餘人約

零星逃散者不過數十人正在分兵剿殺適有

孟家集賊匪三四百人搖旗吶喊前來接應臣

恒瑞慶成德齡督兵搜洗張家集餘賊

臣

永保

明亮鄂輝卽帶官兵奮力迎擊

臣

景安富成領

兵抄襲其後短刃相接殲斃甚多餘賊退回竄

入莊內官兵隨將村莊圍住拋擲火彈四面圍

燒有踉蹌竄出者俱被殲戮淨盡前後共生擒

賊匪七十餘名內有小頭目數名訊非逆首當

於軍前梟示其大頭人或殲或遁容俟查詢再

爲跟究雙溝附近賊匪已清其向東先行逃竄  
之賊攜帶眷口輜重行走諒亦不遠自應乘勝  
前進趕緊辦理現在躡探道路卽日帶兵追剿

奏人

上命軍機大臣傳諭恒瑞永保景安慶成曰雙溝賊  
匪一聞南北兩路官兵進剿先已向東奔逃恒瑞  
等不過帶領官兵將張家集藏匿餘賊追殺雖生

獲賊匪數十名祇係逃竄匪黨其賊首姚之富劉之協等並未拿獲一人所辦未能愜意不值加恩恒瑞等務宜倍加奮勉督兵前進將首逆按名擒獲逃竄賊匪盡數掃除勿使逸入棗陽隨州等處煽惑勾結

二十七日辛未畢沅舒亮奏言臣等攻剿當陽賊

匪久圍未下白十一日後大雨連朝尤深焦悶

十六日天氣稍晴隨於十七日五鼓進兵一面牽制賊勢一面於東門缺口分隊登城右隊高杞烏爾卿額等管帶滿兵知縣魏耀主簿程永烈投効監生錢丙曜管帶荊州鄉勇數十人首先登城賊人見官兵上城蜂擁四集勢甚兇悍我兵因攻圍日久積憤已深正欲奪路進城乃賊人先於缺口老牆之內潛砌子牆一道牆眼

悉架鎗礮以死抗拒並於缺口城上馬道兩邊  
挖斷南北去路子墻之內矢石火彈灰包驟如  
密雨我兵各在高阜處站定撩擲火彈施放鎗

礮臣舒亮帶有投出良民令其指認賊目忽見

有身穿白袍手執白旗指揮衆賊者訊知卽係

左寨賊首王正統臣舒亮親用火鎗應聲擊斃

復經良民在衆賊中指認中寨賊目羅傳禮右

寨賊目陳德本前寨賊目楊起瑞俱被官兵擊  
中負傷而逃又高杞射死賊匪二人烏爾卿額  
射死賊匪二人賊見官兵奮擊知在必死拚命

抵拒臣舒亮左額受有鎗傷什圖明安占馬瑞

圖各受石傷蘇都哩頭帶鎗傷皆不甚重兵勇

見臣舒亮親自上城倍加奮勇殺傷逆賊甚多

無奈我兵爲子墻隔住立在鎗礮矢石之中既

不能躍過賊牆兩頭去路又經堵斷正在督率  
搶進子牆適天降大雨火繩火藥俱濕祇可暫  
爲撤兵查現在礮臺比城高數尺復令烏爾卿  
額用滴水礮連環轟擊現將奮勇受傷官兵鄉  
勇令其好爲調養稍息一兩日天氣畧霽卽再  
行登城架用大礮轟去子牆以期長驅直入再  
十七日夜據兵勇拿獲城中逃竄賊匪劉三秀



胡卓典胡卓英何英馮天植龔兆漢六名供係  
當陽附近民人在城隨從習教各受號記與官  
兵打仗數次因見兵勇利害冒死逃出希圖附  
別處入夥並稱城內賊人俱因各處杳無救應  
都想逃至遠安宜昌一帶奈官兵鄉勇堵截甚  
嚴無計可施只得搜獲民人糧食苟延旦夕訊  
非緊要頭目隨即正法其傷亡兵勇實數俟查

明另行造冊咨部

同日祖之望奏言據漢陽府知府圖桑阿等稟稱十五日卯刻探報有胡家砦賊匪現在勾結文家大塘湯家大灣各賊首俱聚胡家砦四處焚搶直逼楊店該府等督率鄉勇一千餘人都司哈豐阿帶領官兵二百餘名會同前往巳刻行抵黃經廟地方卽有賊匪千餘公然執械抗

拒該府等率領兵勇一擁上前鎗箭齊發傷斃  
賊匪三百餘人割獲首級四十三顆賊正危急  
突有匪黨千餘人兩路圍裹兵勇衆寡不敵把  
總王超雲手刃數人致被傷害義民首監生夏  
訓忠因傷身故兵丁鄉勇亦傷斃數人經哈豐  
阿領兵極力衝突賊匪受傷甚衆始各解散當  
卽撤兵厚集鄉勇於各要隘堵禦十九日署孝

感縣知縣沈琦稟稱德安營叅將劉景齡因聞  
孝感被賊之信由州領兵六十名趕赴縣城與  
江西領兵官署遊擊福寧阿各領兵勇分兩路  
進剿劉景齡先遇賊衆迎撲該叅將率領兵勇  
當先抵敵殲斃賊匪百餘人詎有賊匪千人從  
後突出致被圍困福寧阿聞信急督弁兵繞道  
應援鎗斃賊衆多人賊始退走時值大雨如注

鎗礮難施天已昏黑不便窮追卽於道士店扎營連日查探叅將劉景齡把總蔡國棟不知下落又於二十日接據福寧阿稟報該都司於十六日踰探路徑賊匪齊出卽率同千總蕭鵬飛帶領官兵乘雨向前剿殺傷斃賊匪百餘人割獲首級二十三顆因兵單入險大雨滂沱該處地狹不能扎營暫且撤回查該逆匪等集其醜

類敢於戕害官兵實堪痛恨非添集兵力不能

一鼓殲除隨將撥駐宗關兵二百名暫時撤動

照會江西撫標叅將富成明星夜帶領馳赴楊

店並奉督臣檄飭署理漢黃德道祥鸞前往督

辦臣又於駐守蔡店官兵一百名內分撥六十

名令其帶領由水路直抵縣城約計日內俱可

到彼現探得文家大塘賊首文禮成湯家大灣

賊目三人身穿花衣不知姓名胡家砦賊目李文高卽李越升俱聚集胡家砦該處四面均係水田僅有田塍小路大隊兵勇不能前進彼亦不能四出惟當團集兵勇斷其接濟之路一面相機直進茲聞該縣有武生萬年樂倡聚義勇數千人俱志切同仇屢次殺賊該武生亦身受鎗傷現飭查實通報以便給予優獎此外尙有

義勇數十人各白保守村莊迺爲聲援並飭一體查明酌予獎勵再查下游武漢黃德四府雖經督臣奏調江西官兵駐守又經<sub>臣</sub>等先期召

募餘丁鄉勇層層設卡但究非練卒緩急難以深恃江西官兵陸續調往孝感省城現止駐兵二百名合之本省城守分防各汛及運送軍火外爲數無多實不能分撥<sub>臣</sub>再四籌酌查江西



額設兵一萬數千名本有備戰兵四千名合無  
仰懇

聖恩再飭調江西兵五百名來楚以便分撥防剿均  
奏入

上命軍機大臣傳諭恒瑞永保畢沅祖之望曰畢沅  
奏連日力攻當陽鎗斃頭目殲殺逆匪多名所辦  
仍未得手舒亮親自上城督兵殺賊烏爾卿額高

杞各射死賊匪二人遊擊什圖等扒城殺賊受傷  
俱屬奮勇可嘉舒亮高杞烏爾卿額什圖明安占  
各賞玉搬指大小荷包驍騎校蘇都哩行營守備  
馬瑞圖知縣魏耀主簿程永冽著各賞大小荷包  
其登城出力之監生鄉勇等亦俱著優加獎賞賊  
匪計窮力竭自必欲思逃竄畢沅等尤當實力防  
範嚴行堵截毋令乘間竄逸又往他處勾結爲要

武昌爲省城重地距孝感不過一百餘里現惟祖  
之望一人在彼駐劄祇能督率防守其統兵剿賊  
並無大員著傳諭承保且不必先赴襄陽卽迅往  
孝感所屬之楊店胡家砦一帶督兵剿賊並著酌  
帶兵丁千餘前往更爲得力此時襄樊雙溝等處  
屢經官兵剿殺棗陽一帶既有各路官兵堵截賊  
匪不能向東逃逸自必於下游奔竄或竟係雙溝

一帶首逆預先竄至該處又復勾結滋擾均未可  
定其未被賊匪滋擾之處尤當力爲防堵毋任闌  
人所有此次殺賊被害之把總黃超雲著咨部加  
等優卹受傷身故之監生夏訓忠亦著咨部優卹  
武生萬年樂倡聚義勇殺賊受傷著加恩賞給七  
品頂戴若再奮勉卽以把總拔補打仗出力之義  
勇等俱著查明分別獎賞叅將劉景齡把總蔡國

棟帶兵殺賊被賊圍裹不知下落並著祖之望查  
明如果實係陣亡再行咨部劉景齡照副將例議  
卹蔡國棟照千總例議卹

上又命軍機大臣傳諭江西巡撫陳淮曰祖之望奏  
孝感現有賊匪滋擾請飭調江西兵五百名赴楚  
以便分撥防剿所慮甚是現在湖北省城存兵無  
幾賊匪向東南逃竄必須多兵堵截恐所調兵數

尚不敷用著傳諭陳淮於江西備戰兵內除祖之  
望所調五百名外再行挑撥壯健兵五百名足成  
一千之數派委安幹將弁陸續分起迅赴湖北以  
資堵剿

二十八日

壬申

恒瑞永保慶成明亮鄂輝奏言查

張家集一帶賊匪雖經掃除而該處逃散民人  
亦須及早撫綏安插且恐敗散賊匪逃匿村間

反至後路不清臣鄂輝率同署襄陽同知張瑤

酌帶弁兵前往張家集一帶查辦又探得距雙

溝東二十餘里之官莊有賊屯聚臣恒瑞永保

慶成明亮總兵富成當卽帶領官兵分隊前進

於十八日午間行抵官莊見賊匪數起蜂擁而

來官兵分爲三路迎敵臣慶成等帶兵在左前

進詎賊匪捨命前來勢甚兇悍冒死直撲官兵

奮勇鎗礮相抵臣慶成帶領馬兵從傍衝壓左

邊之賊甫退而右邊中路賊衆一齊衝奔大陘

臣

永保富成帶領山東官兵奮力迎剿並用鎗

礮連擊右邊之賊竟裹繞吶喊前進意欲抄圍

官兵之後臣恒瑞明亮帶領巴圖魯侍衛等一

齊衝殺退而復進者數次自午至酉賊匪力不

能支紛紛敗退臣等卽帶所有馬兵儘力追趕



十餘里天色已晚又復陰雨隨收兵在官莊扎  
營約計殲斃賊匪五六百名生擒活賊二十餘  
人訊明後卽行梟示搶獲刀矛白旗等件甚多  
正擬次日發兵追捕乃自是日戌刻大雨盆傾  
三晝夜未停各處溝渠水漲泥深及尺當此吃  
緊之際忽又如此阻隔不勝憤悶差探路徑人  
馬皆不能速行祇可暫息兵力以待晴霽諒賊

匪當此大雨連朝道路泥濘亦斷不能遠遁俟  
天氣稍晴卽行帶兵追剿連日詢問投出及差  
探之人據稱豫省邊界毗連之處以及雙溝迤  
東東南一帶在在皆有賊匪盤踞此時俱在附  
近之蔣家壩曲家灣草寺三處分屯眷口男婦  
竟有三四萬人實出意想之外其中裹脅之人  
十居六七緣賊匪狡惡異常到處先將裹脅之

家嚴行圍守有逃遁者卽將其眷口殺害又傳  
言各民人旣已從教官兵一到總要全誅是以  
此等民人惶惑畏懼一時不能盡散苦爲出力  
今蒙

恩旨諭令出示曉諭臣等當抄刻曆黃通行張掛復

設法將擒獲被脅之人擇其明白者令潛回賊  
營密爲告知從賊之人並宣布

皇恩使之互相傳播此兩三日內漸有數十人投出

臣

等復寫給悔罪批以出民人號記令其縫綴衣襟俾官兵鄉勇見此卽不傷害並可輾轉招徠此等投出之人均各又隨營辦事各員查明妥爲安插酌賞口糧令其各歸本業俾賊營被裏良民間風解散於剿洗更可迅速

同日成德惠齡富志那奏言連日以來賊匪分

遣黨類或從山溝逸出或由仄徑潛行欲往榔  
坪勾結均經守卡兵勇拿獲解送軍營賊匪自  
料外援已絕於十四日遣令數百人從山後繞  
出南山寺直向三溪口各營撲奪經遊擊張會  
元等分踞山梁俟其既近卽開放鎗礮傷斃賊  
匪數十人餘賊退至南山寺張會元等分路追  
殺司獄孫士清帶領鄉勇亦由斜道衝上三面

截殺而防守石坂叻千總羅宗望等亦帶兵掩  
至賊始退回十八日臣等率領官兵由雞公山  
進剿直抵林家灣賊卡賊人在山望見卽聚江  
家墻石門坎羅老洞守卡各賊齊來抗拒守備  
林朝輔等身先士卒衝入賊隊乘勢縱擊殺賊  
數十人時有白袍賊目執旗往來號召諸賊問  
之鄉勇認識者知爲有名賊目曹義叅將許文

謨放箭射死衆賊仍向林家灣等處退走我兵  
趕上將林家灣賊卡奪獲臣等督兵轉戰賊於

羅老洞踞住山梁放鎗抵禦隨用大礮轟摧賊  
退守石門坎我兵正在羅老洞拿卡隱隱見賊

數百人從鳳凰觀山溝而下意在抄襲後路臣

等隨派守備林朝輔等分投迎擊臣成德恩齡

領兵在後接應林朝輔甫出山口遇賊被圍臣

成德帶兵先到鼓勵衆兵奮勇殺進林朝輔亦  
自內衝殺而出臣惠齡已繞至後路三路追剿

賊匪不敢抵禦攀山越嶺而逃我兵自後喊殺  
賊匪驚惶無措墮岩死者甚多時石門坎之賊

見官兵在羅老洞拿卡伙圖搶奪臣富志那關

騰督兵力戰賊仍退去我兵已將卡拿住現聞  
總兵文圖已將保康之賊剿盡帶兵前至歸州



乘船直下不日可至長陽臣等擬俟其到後卽

令會合來營稍添兵力更可易於堵截

同日宜編奏言臣接畢沅惠齡札稱長陽縣榔

坪地方賊勢猖獗查文圖已帶兵一千名由保

康前往楊秀雖經臣飭令改赴長陽但尙未據

報自襄起程日期長陽兵力單薄驟難戡事臣

實深焦急現在商州一帶邊界救寧臣卽於留

駐商州等處防守兵內挑兵一千名飭委興漢  
鎮總兵德光靜寧協副將百祥帶領由保康興  
山前往長陽會剿均奏入

上命軍機大臣傳諭恒瑞永保惠齡曰恒瑞等報到  
意謂必係剿除賊首之信乃閱所奏之摺祇係剿  
殺官莊屯聚賊匪甚不滿意蔣家壩等處俱係平  
地並非山路崎嶇賊匪攜帶男婦貨裝累重更非

若官兵之單身步騎者可比今恒瑞等卽以兩水  
爲辭不能追趕設賊匪轉乘兩竄逸則恒瑞等又  
將何辭推諉耶昨因孝感地方又有教匪滋事會  
降旨令永保帶兵千餘前往剿辦茲據恒瑞等奏  
該處賊匪亟須上緊搜剿若此時永保前赴孝感  
不免又分兵力莫若暫緩前往仍同恒瑞等將蔣  
家壩等處屯聚賊匪全數殲盡廓清此路再行酌

量情形或分爲兩路一赴孝感一赴長陽亦無不可總在恒瑞等隨時酌籌相機妥辦以期迅速集事至灌灣腦賊匪困守日久惠齡等未能帶兵架入直搗賊巢擒獲賊首僅殲斃逸出之賊奪佔一二卡隘有何裨益況文圖在保康剿除賊匪後帶領勝兵前往長陽榔坪一帶正可及鋒而用今惠齡又令其赴營協剿可謂無算但此時若令文圖

仍回椰坪已屬緩不濟急惠齡惟當自知愧奮會  
同文圖等速將灌灣腦賊匪悉力掃除擒拿首逆